

20. okt.2016

Inatsisartunut aalajangiiffigisassatut siunnersuutigineqarpoq Naalakkersuisut peqquneqassasut Inatsisartut 2017-imi upernaakkut ataatsimiinnerannut atatillugu ukiunut sisamanut misileraataasumik aqqississuussineq, nammineq inigisap aserfallatsaalineqarneranut imaluunniit nukimmik sipaarnerunissamut sanasunik suliaqartitsinermut atatillugu aningaasartuutit katillugit 20.000,00 kr inummumut ataatsimut akileraarutitigut ilanngaatigineqarsinnaalernissaanik suliaqassasut. Ukiut misileraataaffiusut tamarmik ukiumut 3.000.000 kr-nik aningaasanut inatsisitimmi illikartitsiviussaaq. Ukiut sisamat misileraataaffiusut ingerlareerpata misileraaneq nalilersuiffigineqassaaq.
(Inatsisartunut ilaasortaq Steen Lynge, Atassut)>

Siumup pingaartippaa nammineerluni ineqarnissaq, aamma ajornangippat pisariaqarpallu oqilisaasinissamut periarfissaqassasoq, taamaattorli inuit akisussaafiinik pisortat pinngitsuugassaangitsutut inissisimalinnginnissaat nakkutigissallugu, aamma pisussaffiusariaqartoq Siumumi isumaqarpugut. Pisussaaffeqarpugulli aningaasaqarnikkut nukissaqarnerusut sapinngisamik periarfissaminnik atuinissaanut kaammattuissalluta, aamma nakkutigissavarput periarfissap siunnersuutigineqartutut saqqummiussaq naammassineqassappat siunertarineqartutut periarfissaanissaa. Inuit namminneerlutik inigisaminnik pigisaqartut nukimmik aningaasanillu sipaarnerulernissaat pitsaasumillu inigisaqarnissaata kajungernartuunissaa siunnersuumi qitiutinneqarpoq. Tamanna tapersersornartuuvoq, qanoq iliorlutalu qulakkiissavarput sanaartornermi akuerisaasumik suliaqartoqarsimanera ilanngaateqarsinnaaneq qulakkeerniarlugu, illuuteqartut aningaasartuutigisimasaminnik akileraarutitigut ilanngaateqarnissaat uppernarsartikkumallugu? Aamma nammineq inigisaq taasissutissatut quleqtsiussami pineqarpoq, ilisimaneqarpoq ilaatigut aamma inissiaateqartoqartarmat allanut attartortinneqartartunik aamma periarfissaassava nammineq pigisanik inissiaateqartunut aningaasartuutigisimasat ilangaataasinnanerat ?

Siumumi isumaqarpugut siunnersuummi arlalitsigut qulaajagassaqartoq aamma pitsaanerumik periarfissaqartitsinissamut siunnersuummimi siunertarineqarpoq nukimmik sipaarnerup

ungasinnerusooq eqqarsaatigalugu sipaagaqarnerulernermillu malitseqarnissaa, naggataatigut allanut akissaqarnerulernermik malitteqassammat.

Siunnersuuteqartup tunngavilersuuteqarnermini oqaatigaa aallaqaammut siunersuutip kingunerissagaa akileraarutitigut isertitatigut annikilleriaateqartitsinissaq, aamma allatut oqaatigalugu illuuteqartut ilanngaateqarnermini sipaagaqarnerulernermikkullu allanut aningaasat atorsinnaasaat amerlanerusinnaasut, taamaalilluni aningaasat allatigut aamma iluaqusiissapput namminerlu pigisamik ineqarnissamut periarfissap pilerinartuunissaanut annerusumik aqutissiuuseqataafigisinnaallugu.

Siunnersuut aamma eqqarsalersitsisussaavoq illuuteqartunut qanoq pitsaanagerusumik nukimmik minguitsumik pilersitsiviusinnaanersoq, assersuutigalugu seqernup qinnguaanik iluaquteqarluni minguitsumik kiassarnermut atortulersuuteqarsinnaaneq, avatangiisinut nukimillu minguitsumik atortoqarluni illuuteqartunut periarfissaqartitsisoqarsinnaanera aningaasartutaasullu ilanngaatigineqarsinnaalersillugit siunnersuut manna periarfissanik isummanillu pitsaasunik periarfissiivoq, annertunerusumillu qulaajaasoqartariaqarnera pisariaqalersillugu.

Siunnersuut annertunerusumik qulaajaanissamik pisariaqartitsiviusooq Naalakkersuisut akissuteqarnerminni oqaatigisaat Siumumit isumaqatigaarput .

Naalakkersuisut allannguutissatut siunnersuuteqarput, aammalu naaperiaassuteqarlutik. Siumumiit siunnersuutip tunngavia taperserlugu Ataatsimiititaliami susassaqartumi Naalakkersuisut allannguutissatut siunnersuutaat ilanngullugu aapassaaneerseqartinnagu suliarineqarnissaa Siumumiit innersuupparput.

Jens Immanuelson,
Siumut

